

Izjava OHR-a na konferenciji za medije međunarodnih organizacija

Evropski standardi u obrazovnom sistemu Posavskog i Hercegovačko-neretvanskog kantona

Nakon što su kantonalne Skupštine u Posavskom i Hercegovačko-neretvanskom kantonu nedavno usvojile zakone o osnovnom i srednjem obrazovanju u BiH koji su propisno usklađeni sa Okvirnim zakonom o osnovnom i srednjem obrazovanju u Bosni i Hercegovini, visoki predstavnik je obavijestio premijere i ministre financija ova dva kantona da HDZ-u u Kantonu 2. i Kantonu 7 više ne prijetе finansijske sankcije.

Dakle, sada je ukinuta suspenzija koja se odnosila na izdvajanje budžetskih sredstava za finansiranje stranke HDZ u Kantonalnoj skupštini Posavskog kantona i Kantonalnoj skupštini Hercegovačko-neretvanskog kantona, u skladu sa Nalogom visokog predstavnika od 28. maja 2004. godine.

Međutim, ovaj Nalog od 28. maja 2004. godine ostaje na snazi za ostala tijela navedena u članu 1. ovog Naloga.

“Pozdravljam činjenicu da je HDZ u Kantonu 2. i Kantonu 7. uskladio svoje zakone sa Zakonom na državnom nivou. Iz tog razloga sam ukinuo ranije nametnuto zamrzavanje sredstava za njihovo financiranje”, rekao je visoki predstavnik. “Sada se nadam da će i preostali Kantoni koji još uvijek odbijaju da svoje zakone usklade sa državnim Zakonom uskoro slijediti njihov primjer”, zaključio je visoki predstavnik.

Govor prvog zamjenika visokog predstavnika o proširenju EU

Prvi zamjenik visokog predstavnika, Donald Hays, će danas održati govor na Konferenciji koju u Sarajevu organizira IEDC-

Poslovna škola Bled. Tema Konferencije je uticaj koji će proširenje Evropske unije imati na BiH i Sloveniju. U svom govoru, ambasador Hays će istaći da pogrešno shvatanje koje postoji u pogledu bh. ekonomije i dalje ugrožava napore usmjerene na privlačenje međunarodnih i domaćih investicija. Ovakva pogrešna shvatanja takođe umanjuju povjerenje osoba koje odlučuju o poslovnoj politici i građana u bh. ekonomiju.

Ambasador Hays će naglasiti činjenicu da BiH ima jedan od najkonkurentnijih bankarskih sektora na Balkanu, jednu od najstabilnijih valuta i jedan od najrigoroznijih sistema javnog računovodstva.

“Poboljšani računovodstveni standardi su jedan od razloga zbog kojeg je revizija koja je nedavno provedena u Predsjedništvu BiH prouzrokovala toliko komentara”, rekao je ambasador Hays. “Revizori – državni službenici koji su dobili jasne upute i zadatak da pažljivo analiziraju račune Predsjedništva BiH u skladu sa tačno definiranim kriterijima su pokazali da mogu ispravno obaviti provjeru i propisno su obavili svoj posao. Iz ugla političara, posljedice propisnog nadzora nad sistemom javnog računovodstva su naravno vrlo često neprijatne.

Ambasador Hays je takođe naglasio Sporazum koji su nedavno postigli bh. organi vlasti i MMF-a u cilju rješavanja problema potraživanja koje građani imaju prema organima vlasti, uključujući i potraživanja po osnovu ratnih šteta, te neisplaćenih plata i penzija. Ambasador Hays je takođe skrenuo pažnju na nedavno usvojene entitetske zakone čiji je cilj privatizacija propalih preduzeća, putem odgovarajućeg priliva kapitala, kako bi se omogućilo ponovno pokretanje tih preduzeća kao konkurentnih firmi koje svojim radnicima mogu garantirati pristojna primanja.

Ambasador Hays je takođe naveo da su u toku pripreme za uvođenje PDV-a što je planirano krajem 2005. godine, te da one u kombinaciji sa novouspostavljenom Upravom za indirektno oporezivanje znače da BiH konačno ima jedinstveni poreski ured

koji će rukovoditi ovim ključnim elementom bh. ekonomije.

Ambasador Hays je naglasio da će sve ovo sigurno zainteresirati ulagače za Bosnu i Hercegovinu. Ulagачi bi se sa svoje strane trebali osloboditi svih preostalih predrasuda koje imaju prema ovoj zemlji koja nudi potpuno drugačije i daleko bolje mogućnosti za ulaganje nego što je to bio slučaj prije svega nekoliko godina.

Donio sam fotokopije govora i možete ih od mene dobiti nakon ove press konferencije.

Prvi zamjenik visokog predstavnika će održati izlaganje na temu ekonomskog razvoja i održivog povratka

Prvi zamjenik visokog predstavnika, ambasador Hays će sutra održati govor na Konferenciji u Fojnici koju organizira Pakt za stabilnost, Građanski pakt za Jugoistočnu Evropu i holandska nevladina organizacija-IKV. Tema Konferencije će biti odnos između ekonomskog razvoja i održivog povratka, a ambasador Hays će se osvrnuti na činjenicu da nacionalistički ekstremizam i tržišna ekonomija jednostavno ne idu jedno s drugim.